



是日觀影

July 6 at 6:16 PM · 🌐

七月「韓女獨有戲：韓國女性獨立電影系列 2023」會繼續為大家送上三部破格作品！唔好錯過喇！

23/7 - 3:00pm* 《世越號母親達人Show》The Talent Show

23/7 - 7:30pm* 《私密背叛》Jeong-sun

29/7 - 3:00pm* 《愛情冇Take Two》Life Unrehearsed

*導演將出席視訊影後談。

門票現於撲飛有售

Hong Kong Arts Centre - Moving Images 香港藝術中心：流動影像

See Translation



Hong Kong Arts Centre - Moving Images 香港藝術中心：流動影像

July 6 at 5:01 PM · 🌐

😊 「韓女獨有戲：韓國女性獨立電影系列」嘅《對話的藝術 Citizen Pane 말이야-바른-말이지》(導演：尹晟鎬、朴東勳、宋賢朱、韓仁美、金素映、崔賀娜) 放映嘅剛剛週末完滿結束，呢部諷刺喜劇作品，以二人對話多段式短片，表現年輕導演們對韓國社會當下嘅感想。全場觀眾都大笑，小編希望大家係睇得開心。

🌸 感謝《🐶 Sincerity Practice》嘅導演崔賀娜同埋佢隻寵物兼演員柴犬、同埋《👫 Hand in Hand》嘅導演宋賢朱出席分享。多謝觀眾踴躍發問，同埋我哋出色嘅主持兼翻譯宣柏健 Patrick ❤️

呢部作品嘅英文片名係向電影大師 Orson Welles 嘅經典之作《大國民 Citizen Kane》致敬，英文名《Citizen Pane》第二個字係取 Pain (痛楚) 嘅諧音。而韓文名《말이야 바른 말이지》嘅意思係「坦白講」，即係話其實就算唔認同又唔坦白，都因為要「和諧」，所以先至都要唔坦白咁「坦白講」，呢啲語言藝術就構成咗中文片名《對話的藝術》。片名幽默諷刺咁比喻日常不能說嘅痛苦同時弊。

崔導演談及佢嘅作品《Sincerity Practice》，係有關近年韓國有關女權主義同其反對聲音嘅碰撞，尤其係最近嘅南韓總統選舉期間更為激烈，但係當中亦有對兩方都有意見嘅人。因為一啲敏感議題，有時候一啲無心之失就會引起大眾熱烈討論，故事中就連狗狗性別同埋食嘢聲都可能被擺去作攻擊話題。導演想探討乜嘢係真誠，同埋乜嘢係真實，而就算係取乜嘢論點，其實都唔可能討好到所有人。女性主義唔等同厭男，而佢嘅作品可以被視為一部女權主義作品。

宋導演嘅《Hand in Hand》就咁睇嘅話，好似係講一對理念唔同嘅情侶，點樣磨合到大家嘅矛盾，又繼續以愛為名咁步向婚姻。導演話呢部作品唔係好似一般韓劇同韓國電影描繪愛情嘅風格咁，而係以喜劇形式去描繪一對情侶求婚嘅情景，導演亦都鍾意睇周星馳嘅戲。但其實導演講到底，係想話嗰對男女喺講「愛」之前，應該先好好愛護環境，因為喺佢哋哭哭啼啼嘅時候用咗好多紙巾，求婚又用好多塑膠，又好似好關心世界大事同將來嘅命運咁，而其實我哋談戀愛嘅「愛」之前，係咪應該先保護我哋嘅環境，正視對地球有冇愛呢？

兩位導演都覺得女性喺韓國影業嘅地位比之前有進步，雖然有啲崗位仲係比較有性別定型，而商業片依然以男性為主，比較注重男導演同男演員。

多謝各位支持！七月「韓女獨有戲」會繼續為大家送上三部破格作品！唔好錯過喇！

📍 23/7 - 3:00pm* 《世越號母親達人Show》The Talent Show

🔑 23/7 - 7:30pm* 《私密背叛》Jeong-sun

🌹 29/7 - 3:00pm* 《愛情冇Take Two》Life Unrehearsed

*導演將出席視訊影後談。

👤 韓女獨有戲：韓國女性獨立電影系列 2023

Women Direct. Korean Indies! – Korean Women Independent Film Series 2023

🔗 節目詳情 Details: https://hkac.org.hk/calendar_detail/?u=Bz-CStpSodl

🎫 撲飛 POPTICKET: <https://www.popticket.hk/event/women-direct-2023>

#香港藝術中心 #HongKongArtsCentre #韓女獨有戲 #韓國電影 #女導演 #獨立電影 #KoreanIndies #IndependentFilm #WomenDirect #WomenDirector #Film #Korea #Cinema #Movie #電影 #必睇 #得獎 #Award #highlights #韓國 #Korea #kpop #kpopfan #女性 #women

Hong Kong Arts Centre 香港藝術中心

서울독립영화제

關注婦女性暴力協會 Association Concerning Sexual Violence Against Women

Women In Work

Asian Movie Pulse

電影朝聖 Film Pilgrimage

虛詞·無形

是日觀影

See Translation



5